

La **farmacia Pütia a Picolin** é stlûta dai 04 (lönesc) ai 10 d'auri (dedolönesc).

SAN MARTIN Y LUNGIARÜ

Invit ala Corona por la pesc sö Oies en mertesc, ai 5 d'auri, dales 18.00

Comunicaziun dla Diozeja Balsan Porsenú ales Ploanies:

Dal pröm d'auri 2022 inant toma en pert les prescriziuns anti-covid scrites dant por les funziuns liturgiches. Al pó indô gní ocupé düc i posc te dlijia zënza messëi sté n meter dainciarà. Le numer dles porsones che tol pert n'é nia plü limité. Impó desson ciaré da ne sté nia massa datocho un dlungia l'ater.

Da jî te dlijia é l' scrit dant da tó inant le mascherot che stopa nes y bocia.

Al vëgn aconsié da se deijnfeté les mans denant, da ne se toché nia la man dal salüt dla pesc, chi che partësc fora la comuniun da se deijnfeté les mans denant, da tó cun preferënza la comuniun tles mans, da aieré i locai de dlijia do les funziuns y deijnfeté les proches, da s'un sté a ciasa sc'an á sintoms de coia por ne ti la taché nia a d'atri. Les prozesciuns pó indô gní tignides sciöch'an é ausá. L'ordinariat dla Diozeja pó de directives particulares; insciö á le vësc conzedü che da Pasca inant pó i bocá dal'ega santa indô gní implis.

En Domënia dal Orí podunse indô tigní l'ingres te dlijia, sciöche dandaia; les mitans y i mituns é dër bel inviá da porté la granara dal orí. Denant vëgnel ince partí fora rames d'orí a chi che n'un n'á nia.

Düc é indô dër bel inviá da gní a mëssa y da tó pert dantadöt ales funziuns liturgiches dl'Edema Santa che é le momënt plü alt y important dl ann de dlijia che recorda la pasciun, la mort y la ressureziun dl Signur por nosta salvëza.

LUNGIARÜ

Ocajiun da se confessé en mercui da doman do mëssa y da sëra dales 19.00.

I seniors / les seniores da Lungiarü é bel inviá/ades da gní a chidlé en jöbia ai 07 d'auri dales 14.00 a Al Plan tla ostaría "Waldrüh" (Roncac). Präibel prenotesse pro Renate 342 32 79 406 cina en mercui 06 d'auri. Al é debojëgn da presenté le "pass vërt" y avëi le mascherot. Da jî ciarunse da se mëte adöm tan ch'ara vá, porchël s'incuntunse dales 13.30 sön plaza dlungia le Hotel Sanví.

Le Consëi de Formaziun y le Comun da San Martin organisëia n **curs de reanimaziun cun defibriladú**, le mertesc, ai 5 d'auri dales 8.00 ales 17.00 tl salf dl Istitut Ladin a San Martin. An mëss avëi complí 18 agn. Por prenotaziuns telefoné te comun a David 0474 524377 o cun email a formaziun.vb@micura.it.

Döt le bun a chi che complësc i agn d'auri

a San Martin Paul Sorà che nen complësc 80 ai 15
Sepl Frenes che nen complësc 83 ai 22
Sepl Unterweger che nen complësc 93 ai 24
Anna Penazzi Ferdigg che nen complësc 84 ai 28

a Lungiarü Maria Dapoz Clara che nen complësc 81 ai 14
Berta Clara Mischi che nen complësc 89 ai 20
Amalia Rives Mischi che nen complësc 88 ai 23



Plata dles Ploanies San Martin y Lungiarü

ploan siur Klaus Sottas 344 15 54 055 - klsottas@rolmail.net
curat siur Heinrich Perathoner 339 65 74 213
redaziun anton.gasser@rolmail.net - 348 27 44 517 / 0474 523 194



www.valbadiaonline.it/comunita

03.04. - 10.04.22 nr. 19

ultimo termo por comunicaziuns: jöbia, dales 20.00

5ª DOMËNIA DE CARSËMA - C

Vangele do Jan 8,1-11

Maester, chësta ëra é gnüda abinada söl fat ch'ara rompî le matrimone. Mosè nes à scrit dant tla lege che de te' ëres é da spedrè. Sëgn, ci nen dijeste pa tö? Cun chësta domanda orô i studiá dla lege y i farisës mëte Gejú ala proa, por avëi na gauja de le denunzié. Gejú indere s'á cufé jö y s'á metü a scrì cun le dëit ia por tera. Canch'ai sighetâ da le damanè inant, é l' lovè sö y ti à dit: Chël de os che é zënza picé dess por pröm sciurè na pera cuntra d'ëra. Al s'á indô cufé jö y scriö inant ia por tera. Do ch'ai á albü aldì süa risposta, s'un ési jüs un indolater, danfora i plü vedli. Gejú é romagnü indô su cun l'ëra che ê ciamò dailò amez. Al é lovè sö y ti à dit a d'ëra: Èra, olâ ési pa? Ne t'á condanè degügn? Ara à respognü: Degügn, Signur. Dailò ti à dit Gejú: Gnanca iö ne te condanëii. Va, y da sëgn inant no plü fà picé!



Ne dess le picé nia gní castié? Gejú ne dij nia ch'al ne dess nia gní castié. Mo chi che castiëia ne dess nia ma insciö bel atira castié, ai dess naota ciaré ite te se instësc. Ai dess naota s'eajaiminé se instësc denanche ejaiminé le piciadü o la piciadëssa.

Chësc foss ince por nos n bun eserzize. Denanch'i iudicun y castiun, se damanunse naota instësc, sc'i sun bëgn zënza colpa.

Sc'i porvun da capí co y ciodí che n malfat é sozedü, pól ester ch'i ciarunse ince instësc da ne le fá nia.

Nos ch'i iudicun ion metessun forsc man da mëte plü averda.

Magari imparassun da pordené. Pordené n'ó nia dí aprové, mo porvé da tó demez le mal y da ne le lascé gnanca sozedé.

Insciö ess la domanda de Gejú ince arjunt pro nos so fin. (Image)

EDEMA	SAN MARTIN	LUNGIARÜ	 I periun do l'intenziun dl Papa tl mëis d'aurí I periun por düc chi che laora tl ciamp sanitar a sorvise dla jënt amarada y vedla tles zones plü püres dla tera y ch'ai ciafes le sostegn di governanc y dles istituziuns publiches.  I sun amesa la Carsëma, Signur, che é gnüda sciöche l'aisciöda, olache la Dlijia nes inviëia da se convertí, ch'i podunse festejë tüa Pasca de mort y ressureziun y renasce a vita nöia. Al é tüa parora che nes rovënn por chësc tru spere y che pretënn ch'i ejaminunse nosta manira de vire; mo ara nes lascia ince odëi la grandëza de to amur por nos. T'os ch'i junse ite te nos y ch'i ti metunse averda a nosc cör, deache da nosc daite vëgn le mal y le bëgn, l'egoism y la gene- rosité, l'invidia y le spirit fredejin. T'os chi ti dauriunse nosc cör a tüa odlada de misericordia, al lominus che vëgn da te, y se lasciunse trasformé y varí da to Spirit. T'os chi te dauriunse y renovunse nosc cör: ch'i se destacunse da pedanteries y pisimes ch'al pois bate y tigní vare cun te. Insciö periunse da ester bugn da pratiché na solidarité nöia che mudará chësta tera te na ciasa de fredesc y de sorus.
03.04.22 5 ^a DOMËNIA DE CARSËMA – C Domënia dla Pasciun	9.00 Corona por vocaziuns 9.30 Gran Messa por la Comunità por i Seniors (siur Klaus) en onur de Sant Ojöp Freinademetz + + geniturs de Alfred y Carla Verginer 11.15 Bato de Maria Vögele	7.50 Les Staziuns ciantades dal Cor 8.15 Gran Mëssa por la Comunità en onú dl Sanch Prezius de Gejú (siur Klaus) 14.00 Zelebrazium dl Öre Sant por düc chi che o ciafé chësc sacramënt	
04.04.22 Francësch y Iazinta Lönesc da Fatima	14.30 Mëssa y Sopoltöra de Angelina Vanzi Baldissera		
05.04.22 Dedolönesc Vinzenz Ferrer, Crescënzia	18.00 Corona por la pesc sö Oies 18.15 inant: Confesciuns 19.00 Mëssa + Ida Dariz + Otto Erlacher (dla Uniun) + Monica Daporta Alfreider	18.00 Corona por la pesc sö Oies	
06.04.22 Dedemesaledema Zelesin, Prudenzia	18.00 Les Staziuns	7.30 Mëssa + Flavia Costa Clara + + de Sepl y Maria Clara, Sanvì dedô: Confesciuns y Oraziun por la pesc 19.00 Confesciuns	
07.04.22 Jöbia Jan Batista de La Salle	7.30 Mëssa por na benefaturia defunta + Maria Planatscher Trebo (dla Uniun) Corona por vocaziuns		
08.04.22 Vëndres Walter, Beata, Iulia	18.30 Adoraziun chîta 19.00 Adoraziun deboriada	7.30 Mëssa + + Franz y Lidvina Clara, Moni + + Giovanni y Sabina, Clara 16.30 Les Staziuns cun scholars y families	
09.04.22 Sabeda Waltraud, Conrad	20.00 Mëssa prefestia + Erna Frenner fam. Pire y Zita Tavella + + de fam. Ferdigg, Preroman + Otto Erlacher	18.30 Mëssa prefestia + Marino Clara, Ties + + Giovanni Campey y Ambrosino Aurora + Serafin Canins	
10.04.22 DOMËNIA DAL ORÍ C	10.00 Benediscium dl Orí y ingres dala colonia demez Pasciun do Lûca y Eucaristia 2 ^a de sopolt. de Angelina Vanzi Baldissera dl ann + Pire Ploner + + frater Martin y Rosalia Ploner	8.15 Benediscium dl Orí y ingres dala scora demez Pasciun do Lûca y Eucaristia	
SAN MARTIN: Dilan dl'oferta de Paul Planatscher en recordanza de süa so Maria por la dlijia y l'Ucraina			